



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

1931 წლის
ოქტომბრის 15.

№ 19

ენათმეცნიერება პირველი

ა/კსფსრ სახალ. კომისართა
საბჭოს საქმეთა მმართვე-
ლობის მიერ გამოცემული.


შ ი ნ ა ა რ ს ი:

დადგენილება. ამიერკავკასიის ცენტრალური აღმასრულებელი
კომიტეტისა.

მუხ 217. მოსავლის აღების კამპანიის პერიოდში ტენზიკური კულტურების დიდრონ კოლექტიურ მეურნეობებში საბავშვო დაწესებულებათა მოწყობის შესახებ.

დადგენილებანი ა/კსფსრ სახალხო კომისართა საბჭოსი.

- „ 218. ამიერკავკასიის საბინაო კოპორაციის კავშირის წესდების დამტკიცების შესახებ.
- „ 219. შშენებლობის ტენზიკურ-ეკონომიური რეგულირებისა და ნორმირების ფუნქციებისა-გან ა/კსფსრ სახელმწიფო საგეგმო კომისიის განთავისუფლების შესახებ.
- „ 220. ელექტრო და თბო-მომარაგების საწარმოთა ანგარიშების გასწორების ვადის გადაცილებისათვის არსებული საურავის რაოდენობის შესახებ.
- „ 221. სამთო მრეწველობაში შრომის დაცვის გაძლიერების ღონისძიებათა შესახებ.
- „ 222. მუშათა დაბებისა, საერთო საცხოვრებლებისა და საზოგადოებრივი კვების დახურული და ღია დაწესებულებების ანტისანიტარულ მდგომარეობასთან ბრძოლის ღონისძიებათა შესახებ.
- „ 223. ბაზმის 1931 წლის სარეაგონაციო კამპანიის პერიოდში ბაზმის მოთველებისათვის ავანსების დაკერის წესისა და რაოდენობის შესახებ.
- „ 224. ა/კსფსრ ტერიტორიაზე მომქმედი ყველა საერთო-საკავშირო და ფედერატიული სამშენებლო ორგანიზაციის მოვალეობის შესახებ—წარუდგინოს ა/კსფსრ შედგენილობაში შემავალი სათანადო რესპუბლიკის სახელმწიფო საგეგმო კომისიას სამშენებლო კადრების მომზადების გეგმის შესადგენად საჭირო მასალები.
- „ 225. 1931 წ. ბაზმის მოსავლის აღების კამპანიისათვის საჭირო დამატებითი ღონისძიებების შესახებ.
- „ 226. საკოლმეურნეო სისტემის ხილველ-ბოსტნეულის ეპკრობის გაშლის შესახებ.



**დადგენილებანი ა/კსფსრ სახალხო კომისართა საბჭოსთან
არსებული აღსრულების შემოწმებელი კომისიისა.**

- „ 227. ნედლი ბამბის მიღებისა და გადამუშავებისათვის შემსყადველი პუნქტების და ბამბ-საწმენდი ქარხნების განმზადების შესახებ.
- „ 228. საპნის-ხარშის 1931 წ. პროგრამისა და საპნის-ხარშის მრეწველობის ნედლეულით უზრუნველყოფის ღონისძიებათა თაობაზე გამოცემული სსრკ-ის წერილისა და თავდა-ცვის საბჭოს 1931 წ. მაისის 17-ის დადგენილების აღსრულების შესახებ.
- „ 229. სავეტერინარო საქმისა და ეპიზოოტიებთან ბრძოლის მდგომარეობის საქმის შესახებ.

**დადგენილება ამიერკავკასიის ცენტრალური
აღმასრულებელი კომიტეტისა.**

**217. მოსავლის აღების კამპანიის პერიოდში ტენიკური კულტურე-
ბის დიდრონ კოლექტიურ მეურნეობებში საბავშვო დაწესე-
ბულეებათა მოწყობის შესახებ.**

მოისმინა-რა ამიერკავკასიის ცენტრალური აღმასრულებელი კომიტეტის პრეზიდიუმთან არსებული ქალთა შრომის და ყოფაცხოვრების გაუმჯობესების კომიტეტის პასუხისმგებელი მდივნის ანხ. ვ. ხეჩუმიანის ცნობა—მოსავლის აღე-ბის პერიოდში ტენიკური კულტურების დიდრონ კოლექტიურ მეურნეობებში საბავშვო დაწესებულებათა მოწყობის საკითხების გამო გამართული რესპუბლი-კანური შტაბების წარმომადგენელთა თათბირების შედეგის შესახებ, ამიერკავ-კასიის ცენტრალური აღმასრულებელი კომიტეტის პრეზიდიუმში აღნიშნავს, რომ მთელი რიგი ამიერკავკასიისა და რესპუბლიკანური უწყებანი და საწარმონი შეუწყნარებლად მოეციდნენ ზემოაღნიშნული დაწესებულებების მოწყობის სა-კითხებს. კერძოდ,—ა/კსფსრ მომარაგების სახალხო კომისარიატმა და ამიერკავ-კასიის სამომხმარებლო კოოპერაციის კავშირმა არაუზრუნველჰყვეს საბავშვო დაწესებულებების მოწყობის საქმე სამეურნეო მომარაგების საქმეო ფონდით და ბავშვთა კვების პროდუქტებით. „ზაკტექსტილ“-მა თვალსაზრისოდ შეამცირა რეს-პუბლიკების განცხადებანი რბილი უსრუნველობის შესახებ და ფონდი დაგ-ვიანებით გამოჰყო (აზერბაიჯანის სსრ სექტემბრის ბოლოს მიიღო). ა/კ. სა-კოლმეურნეო ცენტრმა არასაკმარისად უზრუნველჰყო მუშაობის ხელმძღვანე-ლობა ადგილებზე; არასრულად და არათავის დროზე განასიგნა მან საბავშვო დაწესებულებათა მოწყობისათვის სახელმწიფო ბიუჯეტით დანიშნული სახსარი.

აზერბაიჯანის სსრ-ისა და საქართველოს სსრ-ის საკოლმეურნეო ცენტრები ფაქტიურად აბრკოლებდნენ შტაბების მუშაობას თავის დროზე სახსარის მიუ-ცემლობით, კურსებზე კოლმეურნე-ქალთაგან კურსანტ-ქალების თავის დროზე მოუგროვებლობით, ბავშვთა კვებისთვის საჭირო სახსარის სამობილიზაციოდ მუშაობის ჩაუტარებლობით და სხვა მისთან.

„საქართველოს ჩაი“-ს სააქციო საზოგადოებამ, „სოიუზტაბაკ“-მა, „ნოე-ლუბტრესტ“-მა და „ბავშვთა მეგობრის“ აზერბაიჯანის საზოგადოებამ არ შე-

ასრულეს ა/კსფსრ სახალხო კომისართა საბჭოს დადგენილება და აქამდე არ გამოჰყვეს ამ მიზნისათვის საჭირო სახსარი.

სუსტად იყო დაყენებული პრესსაში (გაზ. „კომუნისტი“-ს გარდა) საბავშვო დაწესებულებათა მოწყობის საქმის მსვლელობის გაშუქება.

ზემოხსენებულ გარემოებათა შედეგად, მიუხედავად მთელი რიგი ღონისძიებებისა, რაც რესპუბლიკანურმა შტაბებმა იხმარეს (აზერბაიჯანის სსრ და საქართველოს სსრ-ში—გემგების დამუშავება, ამხანაგების მობილიზაცია გემგის დაბალ ფენამდე მიღწევისათვის მუშაობის საწარმოებლად, სადეკადო კურსების თავის დროზე მოწყობა კოლმეურნე-ქალთა მოსამზადებლად საბავშვო დაწესებულებების მომსახურებისათვის საქართველოს სსრ-ში, მაშინ, როდესაც ამ კურსების მოწყობა აზერბაიჯანის სსრ-ში თვალსაჩინოდ დაგვიანდა), მაინც საბავშვო დაწესებულებათა მოწყობის საქმე ფაქტიურად ჩაიშალა (ა/წ. ოქტომბრის 1-თვის საქართველოს სსრ-ში მოწყობილია 131 საბავშვო ბავა, 450-ის ნაცვლად, ხოლო აზერბაიჯანის სსრ-ში რბილული ინვენტარით უზრუნველყოფილია მხოლოდ 100 ბავა, 350-ის ნაცვლად.

აღნიშნული დეფექტების გამოსასწორებლად და მოსავლის აღების კამპანიის პერიოდში ტეხნიკური კულტურების დიდრონ კოლექტიურ მეურნეობებში საბავშვო დაწესებულებების მოწყობისათვის საჭირო ღონისძიებათა განსახორციელებლად ამიერკავკასიის ცენტრალური აღმასრულებელი კომიტეტის პრეზიდიუმში წინადადებას აძლევს:

1. ა/კსფსრ მომარაგების სახალხო კომისარიატს, ამიერკავკასიის სამომხმარებლო კოოპერაციის კავშირს და „ტექსტილ“-ის ამიერკავკასიის სამხარეო კონტორას, ამხანაგთა სენიძისა, ბუკრევისა და ივანე მელიქოვის პირადი პასუხისმგებლობით,—შეასრულონ, არა უგვიანეს ა/წ. ოქტომბრის 10-სა, რესპუბლიკების ყველა განაცხადი საბავშვო დაწესებულებათა მოწყობის თაობაზე და სავსებით უზრუნველჰყონ ეს დაწესებულებანი ბავშვთა კვების საგნებით.

2. ა/კ. საკოლმეურნეო ცენტრს—გააძლიეროს ოპერატიული ხელმძღვანელობა ბავშვთა გამოსაკვებად საკოლმეურნეო სახსარის მობილიზაციისათვის.

3. „საქართველოს ჩაი“-ს საექციო საზოგადოებას, „სოიუზტაბაკ“-ს, „ნოვოლუბტრესტ“-ს და „ბავშვთა მეგობრის“ აზერბაიჯანის სსრ საზოგადოებას—გასცენ ა/წ. ოქტომბრის 10-დღე დამატებითი სახსარი საბავშვო დაწესებულებათა მოსაწყობად, ა/კსფსრ სახალხო კომისართა საბჭოს ა/წ. სექტემბრის 1-ის დადგენილების თანახმად.

4. ა/კსფსრ შედგენილობაში შემავალი რესპუსლიკების ცენტრალურ აღმასრულებელ კომიტეტებს—გამოსძენონ დამატებითი სახსარი საბავშვო დაწესებულებათა მოწყობის საქმის სავსებით უზრუნველყოფისათვის.

5. ამიერკავკასიის რკინის გზების დირექციის და „სოიუზტრანს“-ს—მოახდინონ სასწრაფო განკარგულება, რათა საბავშვო დაწესებულებათა გაწყობილობა და ბავშვთა კვების საგნები პირველ რიგში გადაზიდულ იქნეს ადგილებზე.

6. ა/კსფსრ შედგენილობაში შემავალი რესპუბლიკების განათლების და ჯანმრთელობის სახალხო კომისარიატებს—თვალყური ადევნონ საბავშვო დაწესებულებათა წესიერ ხელმძღვანელობას და მოწყობას.

7. აღინიშნოს ა/კსფსრ შედგენილობაში შემავალი რესპუბლიკების საკოლმეურნეო ცენტრების საყურადღებოდ, რომ მათ დააბრკოლეს შტაბების მუშაობა.

8. აღინიშნოს სომხეთში საბავშვო დაწესებულებების მომწყობი შტაბის საყურადღებოდ მისი გამოუცხადებლობა 1931 წ. ოქტომბრის 2-ს ამიერკავკასიის ცენტრალური აღმასრულებელი კომიტეტის პრეზიდიუმთან არსებული ქალთა შრომისა და ყოფაცხოვრების გაუმჯობესების კომიტეტში გამართულ თათბირზე და გამოეცხადოს სასტიკი საყვედური ამიერკავკასიის სამომხმარებლო კოოპერაციის კავშირისა და ა/კსფსრ მომარაგების სახალხო კომისარიატის მომარაგების განყოფილებათა გამგეებს.

9. საჭიროდ იქნეს ცნობილი საბავშვო დაწესებულებათა მოწყობის მსვლელობის ფართო და სისტემატიური გაშუქება პრესაში.

ამიერკავკასიის ცენტრალური აღმასრულებელი
კომიტეტის თავმჯდომარე ა. ანანიანი.

ამიერკავკასიის ცენტრალური აღმასრულებელი
კომიტეტის მდივანი გ. ხულთანოვი.

1931 წ. ოქტომბრის 8
ტფილისი.

გამოქვეყნებულია „ზარია ვოსტოკა“-ს 279 №-ში 1931 წ. ოქტომბრის 10-ს.

დადგენილება ა/კსფსრ სახალხო კომისართა საბჭოსი.

218. ამიერკავკასიის საბინაო კოოპერაციის კავშირის წესდების დამტკიცების შესახებ.

ა/კსფსრ სახალხო კომისართა საბჭო აღგენს:

1. დამტკიცებულ იქნეს ამიერკავკასიის საბინაო კოოპერაციის კავშირის წესდება.

2. გაუქმებულ იქნეს ა/კსფსრ სახალხო კომისართა საბჭოს 1931 წ. მარტის 4-ის დადგენილება „ამიერკავკასიის საბინაო კოოპერაციის კავშირის დროებითი დებულების დამტკიცების შესახებ“ (ა/კსფსრ კან. კრ. 1931 წ. მე-6 №-ი, მუხ. 61).

ა/კსფსრ სახალხო კომისართა
საბჭოს თავმჯდომარე მ. ორახელაშვილი.

ა/კსფსრ სახალხო კომისართა
საბჭოს საქმეთა მმართველი ა. შავერდოვი.

1931 წ. ოქტომბრის 1.

№ 415.

ტფილისი.

10. წინადადება მიეცეს კომუნალური მეურნეობის სახალხო კომისარიატს, ა/კსფსრ სახალხო მეურნეობის უმაღლეს საბჭოს, ა/კსფსრ მიწათმოქმედების სახალხო კომისარიატს და მომარაგების სახალხო კომისარიატს—შეიმუშაონ, თვითთულმა თავისი ხაზით, და წარმოუდგინონ ა/კსფსრ სახალხო კომისართა საბჭოს პროექტების განხილვისა და დამტკიცების წესები—არსებული წესების გასაუმჯობესებლად.

11. ვიდრე ეს წესები გამოიცემოდეს, სამშენებლო კონტროლის მოსაწყობად პროექტების ექსპერტიზისათვის დაწესებული ნორმები (ა/კსფსრ კან. კრ. 1930 წ. მე-6 №, მუხ. 77) დროებით გავრცელებულ იქნეს ა/კსფსრ კომუნალური მეურნ. სახ. კომისარიატისა, ა/კსფსრ მიწათმოქმედების სახალხო კომისარიატისა და ა/კსფსრ მომარაგების სახალხო კომისარიატის ტექნიკურ-ეკონომიურ საბჭოებზე. სახალხო მეურნეობის უმაღლესი საბჭოების სამეცნიერო-სატექნიკო საბჭოების საექსპლოატაციო პროექტების გამოსაღების ნორმები დროებით დატოვებულ იქნეს ისეთი რაოდენობით, რაც დადგენილია ა/კსფსრ სახალხო მეურნეობის უმაღლესი საბჭოს ბრძანებით.

12. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—განახორციელონ ტექნიკურ-ეკონომიური რეგულირების ორგანოების რეორგანიზაცია ამა დადგენილების შესაბამისად.

13. გაუქმებულ იქნეს ა/კსფსრ სახელმწიფო საგეგმო კომისიის სამშენებლო სექტორის დებულება (ა/კსფსრ კან. კრ. 1930 წ. მე-12 №-ი, მუხ. 134).

14. დაევალოს ა/კსფსრ მუშათა და გლეხთა ინსპექციას, ა/კსფსრ სახალხო მეურნეობის უმაღლეს საბჭოსთან, ა/კსფსრ კომუნალური მეურნეობის სახალხო კომისარიატთან, ა/კსფსრ მიწათმოქმედების სახალხო კომისარიატთან და ა/კსფსრ სახელმწიფო საგეგმო კომისიასთან ერთად, წარმოუდგინოს ერთი თვის ვადაზე ა/კსფსრ სახალხო კომისართა საბჭოს დასამტკიცებლად პროექტი დადგენილებისა—ა/კსფსრ სახელმწიფო საგეგმო კომისიის სამშენებლო კონტროლის სამმართველოს ლიკვიდაციისა და აღნიშნული კონტროლის რეორგანიზაციის შესახებ.

ა/კსფსრ სახალხო კომისართა
საბჭოს თავმჯდომარე მ. ორახელაშვილი.

ა/კსფსრ სახალხო კომისართა
საბჭოს საქმეთა მართველი ა. შავერდოვი.

1931 წ. ოქტომბრის 1.

№ 416.

ტფილისი.

დადგენილება ა/კსფსრ სახალხო კომისართა საბჭოსი.

220. ელექტრო და თბო-მომარაგების საწარმოთა ანგარიშების გასწორების ვადის გადაცილებისათვის არსებული საურავის რაოდენობის შესახებ.

ა/კსფსრ სახალხო კომისართა საბჭო აღდგენს:

„ელექტრო და თბო-ენერჯის ანგარიშის გასწორების ვადების შესახებ“ გამოცემული სსრკ-ის სახალხო კომისართა საბჭოს 1931 წ. აგვისტოს 16-ის დადგენილების მე-4 მუხლის შესაბამისად (სსრკ კან. კრ. 1931 წ. 53 №-ი, მუხ. 344) ელექტრო და თბო-მომარაგების საწარმოთა ანგარიშების გასწორების ვადაზე თვითეული გადაცდენილი დღისთვის, დაწყებული ანგარიშის წარდგენის მეექვსე დღიდან დავალიანების ფაქტიურ დაფარვის დღემდე, დაწესებულ იქნეს საურავი ანგარიშში აღნიშნული თანხის 0,2%-ის რაოდენობით.

ა/კსფსრ სახალხო კომისართა

საბჭოს თავმჯდომარე მ. ორახელაშვილი.

ა/კსფსრ სახალხო კომისართა

საბჭოს საქმეთა მმართველის მოვალ. აღმ. თ. მელნიკოვი.

1931 წ. ოქტომბრის 7.

№ 402.

ტფილისი.

დადგენილება ა/კსფსრ სახალხო კომისართა საბჭოსი.

221. სამთო მრეწველობაში შრომის დაცვის გაძლიერების ღონისძიებათა შესახებ.

ა/კსფსრ სახალხო კომისართა საბჭო აღდგენს:

1. დაევალოს ყველა სამრეწველო საწარმოს—შეასრულოს ვადაზე მის მიერ სამთო-სამრეწველო საწარმოთაგან მიღებული შეკვეთა, რაც ეხება უშიშროების ტენზიკისა და სამრეწველო სანიტარიის ღონისძიებათ.

2. დაევალოს ყველა მომმარაგებელ ორგანიზაციას—უზრუნველჰყოს პირველ რიგში სამთო მრეწველობის საჭიროებანი უშიშროების ტენზიკისა და სამრეწველო სანიტარიის გაწყობილობის საგნებით.

3. დაევალოს ა/კსფსრ სახალხო მეთურნეობის უმაღლეს საბჭოს მოაწყოს 1931 წ. ნოემბრის 1-ეის ტყეპულისა და ტყეპარჩელის ქვანახშირის მალაროებთან

სპეციალური ლაბორატორიები ჰაერის ანალიზისათვის მანვე და საშიში გაზების შემცველობის გამოსარკვევად.

4. დაევალოს სამრეწველო საწარმოთა სამეურნეო ორგანოებს—განახორციელონ ღონისძიებანი შრომის დაცვისათვის სამუშაოთა უშიშროების წესების შესაბამისად, რისთვისაც საჭირო არ არის, რომ მოუცადონ სამთო-სატეხნიკო ინსპექციის ფორმალურ მოთხოვნას შახტებში სამუშაოთა რეეიშის შეცვლის შესახებ.

წინადადება მიეცეს ა/კსფსრ შრომის სახალხო კომისარიატს—უზრუნველჰყოს შრომის სახალხო კომისარიატების სამთო-სატეხნიკო ინსპექციის კონტროლი სამეურნეო ორგანოების მიერ უშიშროების ტეხნიკისა და სამრეწველო სანიტარიის ყველა ღონისძიების განხორციელებისათვის.

5. დაევალოს ა/კსფსრ სახალხო მეურნეობის უმაღლეს საბჭოს მოაგვაროს საესებით 1932 წ. იანვრის 1-თვის ტყიბულისა და ტყვარჩელის ქვანახშირის მალაროების სამთო-სამხსნელო სადგურების მდგომარეობა, აგრეთვე ალავერდისა და ზანგეზურის სამთო-სამხსნელო პუნქტების მდგომარეობა, თანახმად სსრკ-ის შრომის სახალხო კომისარიატის მიერ 1930 წ. მარტის 28-ს დამტკიცებული დებულებისა ამ პუნქტების შესახებ.

6. წინადადება მიეცეს ა/კსფსრ სახალხო მეურნეობის უმაღლეს საბჭოს:

ა) მოაწყოს ზემოაღნიშნულ სამადნოებში (ტყიბულისა და ტყვარჩელის ქვანახშირის მალაროებში, აგრეთვე ალავერდისა და ზანგეზურის სპილენძის სამადნოებში), პროფესიონალური კავშირების ორგანიზაციებთან ერთად, სამთო-სამხსნელო საქმის მოხალისე-მხსნელთა შერჩევა სხვადასხვა პროფესიის მუშათაგან; ბ) მოაწყოს სამთო-სამხსნელო საქმის მოხალისე-მხსნელთა პერიოდული სწავლება და პრაქტიკული მეცადინეობა შახტებში მუშაობის შემდეგ;

გ) მოაწყოს მიწის წიაღში მომუშავე ყველა მუშის სწავლება უბედური შემთხვევის დროს პირველი დახმარების აღმოჩენის მეთოდების შესათვისებლად და 1932 წ. განმავლობაში ასეთ სწავლებებზე მოცულ უნდა იქნენ მიწის წიაღში მომუშავე მუშები—საერთოდ ყველა.

7. წინადადება მიეცეს ა/კსფსრ სახალხო მეურნეობის უმაღლეს საბჭოს იხმაროს ღონისძიება, რათა ამა დადგენილების მე-5 მუხლში აღნიშნული სამთო-სამხსნელო სადგურებისა და პუნქტების გამგებლობისა და ხელმძღვანელობისათვის გამოყოფილ იქნენ, არა უგვიანეს 1931 წ. ნოემბრისა, სამთო-სამხსნელო საქმეში სტაჟის და განათლების მქონე სპეციალური პირები.

8. წინადადება მიეცეს ა/კსფსრ შედგენილობაში შემაჯავლი რესპუბლიკების მთავრობათ—დაევალონ სათანადო რესპუბლიკების ჯანმრთელობის სახალხო კომისარიატებს:

ა) მიმდინარე წლის ოქტომბრის განმავლობაში დაამყარონ ყველა სამთო-სამრეწველო საწარმოსთან პირველი დახმარების პუნქტების დამატებითი ქსელი ისე, რომ პუნქტები დაახლოებული იყოს შახტებთან, და თანაც უზრუნველჰყოს ეს პუნქტები სათანადო კვალიფიკაციის პერსონალით; ეს ქსელი შეთანხმებულ უნდა იქნეს სათანადო რესპუბლიკების შრომის სახალხო კომისარიატებთან;

ბ) 1932 წლის განმავლობაში უზრუნველყოფილი მიწის წიაღში მომუშავე ყველა მუშა სამედიცინო პაკეტებით და მედიკამენტებით, რაც საჭიროა პირველი დახმარების აღმოჩენისათვის; ამ პაკეტების ტიპი შეთანხმებულ უნდა იქნეს ა/კსფსრ შრომის სახალხო კომისარიატთან.

9. წინადადება მიეცეს ა/კსფსრ სახალხო მეურნეობის უმაღლეს საბჭოს და ა/კსფსრ შედგენილობაში შენავალი რესპუბლიკების მთავრობათ—გააძლიერონ ერთი კვარტალის ვადაზე უშიშროების ტექნიკის ბიუროების შედგენილობა კვალიფიციური სპეციალისტებით და სამეურნეო ორგანიზაციებში უშიშროების ტექნიკის გაზვენი.

10. შრომის სახალხო კომისარიატების სამთო-სატექნიკო ინსპექციების დასაკომპლექტებლად დაევალოს ა/კსფსრ სახალხო მეურნეობის უმაღლეს საბჭოს—გადასცეს ა/კსფსრ შრომის სახალხო კომისარიატის განკარგულებაში სპეციალისტების საჭირო რიცხვი უმაღლესი ტექნიკური სასწავლებლების კურსდამთავრებულთაგან.

11. წინადადება მიეცეს ა/კსფსრ სახალხო მეურნეობის უმაღლეს საბჭოს—დააწესოს სასწავლო წლის (1931-32 წ.) დასაწყისიდან უმაღლეს ტექნიკურ სასწავლებლებთან, კერძოდ—ამიერკავკასიის სამთო-სამეტალურგო ინსტიტუტთან, უშიშროების ტექნიკისა და სამრეწველო სანიტარიის სპეციალობაში.

ამიერკავკასიის სამთო-სამეტალურგო ინსტიტუტის 1932 წ. ხარჯთაღრიცხვით გათვალისწინებულ იქნეს უშიშროების ტექნიკისა და სამრეწველო სანიტარიის კაბინეტის ბოლომდე გაწყობისა და ამ კაბინეტთან ლაბორატორიის ორგანიზაციისათვის საჭირო სახსარი.

12. წინადადება მიეცეს ა/კსფსრ სახალხო მეურნეობის უმაღლეს საბჭოს—მოაწყოს ყველა სამთო-სამრეწველო საწარმოსთან მეფალიეთა კადრების რეგულიარული მომზადება ამ თანამდებობაზე დასანიშნად.

13. წინადადება მიეცეს ა/კსფსრ შრომის სახალხო კომისარიატს მოაწყოს ორი თვის ვადაზე ამიერკავკასიის საუწყებთაშორისო კომისია ტრავმატიზმთან და პროფესიონალურ დაავადებასთან ბრძოლისათვის, კერძოდ—სამთო მრეწველობაში, დაინტერესებულ ორგანიზაციებისა და უწყებების მონაწილეობით.

14. წინადადება მიეცეს ა/კსფსრ სახალხო მეურნეობის უმაღლეს საბჭოს და ა/კსფსრ შრომის სახალხო კომისარიატს, სათანადო პროფესიონალურ კავშირებთან ერთად, გაშალონ ფართო აღსნა-განმარტებითი მუშაობა უშიშროების ტექნიკისა და სამთო-სამხსნელო საქმეში, განსაკუთრებით მოხალისე-მხსნელთა კომანდების შექმნისათვის.

15. ექვსი თვის შემდეგ მოხსენილ იქნეს ა/კსფსრ შრომის სახალხო კომისარიატისა და ა/კსფსრ სახალხო მეურნეობის უმაღლესი საბჭოს მოხსენება ამა დადგენილების აღსრულების შესახებ.

ა/კსფსრ სახალხო კომისარიატის
საბჭოს თავმჯდომარე მ. ორახელაშვილი.

ა/კსფსრ სახალხო კომისარიატის
საბჭოს საქმეთა მმართველი ა. შავერდოვი.

1931 წ. ოქტომბრის 7.

№ 405.

ტფილისი.

დადგენილება ა/კსფსრ სახალხო კომისართა საბჭოსი.

222. მუშათა დაბებისა, საერთო საცხოვრებლებისა და საზოგადოებრივი კვების დახურული და ღია დაწესებულებების ანტი-სანიტარულ მდგომარეობასთან ბრძოლის ღონისძიებათა შესახებ.

ა/კსფსრ სახალხო კომისართა საბჭო ადგენს:

1. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს დაავალონ:

ა) რესპუბლიკების ჯანმრთელობის სახალხო კომისარიატებსა და სამეურნეო ორგანიზაციებს—დაუყოვნებლივ გაშალონ მუშაობა მუშათა დაბებისა, საერთო საცხოვრებლებისა და საზოგადოებრივი კვების დახურული და ღია დაწესებულებების ანტისანიტარული მდგომარეობის ლიკვიდაციისათვის, პირველ რიგში სამრეწველო ცენტრებში და საწარმოთა და ახალსაშენებელთა ფარგლებში;

ბ) ჯანმრთელობის ორგანოებს—გამოჰყონ სასანიტარო ზედამხედველობის სპეციალური ინსპექტორები, რომელთა პასუხისმგებლობასაც უნდა დაეკისროს მუდამ დღე სისტემატიურად თვალყური ადევნონ აღნიშნულ დაწესებულებათა კულტურულ და სანიტარულ მდგომარეობას; მათ უფლება უნდა ჰქონდეთ—სასტიკ პასუხისმგებაში მისცენ (ჯარიმის დადება, სასამართლოსათვის გადაცემა) ამ დაწესებულებათა ანტისანიტარული მდგომარეობის გამომწვევი დამნაშავენი;

შენიშვნა. სასანიტარო ინსპექტორების მიერ დასადები ჯარიმის რაოდენობას—100 მანეთამდე—განსაზღვრავენ ა/კსფსრ შედგენილობაში შემავალი რესპუბლიკების სახალხო კომისართა საბჭოები;

გ) რესპუბლიკების ჯანმრთელობის სახალხო კომისარიატებს,—სამეურნეო ორგანოებთან და პროფესინალურ ორგანიზაციებთან ერთად, მშრომელთა ფართო მასების მონაწილეობით, შეუდგენენ იმ სანიტარული მინიმუმის განხორციელებას, რითაც ვათვალისწინებულა საჭირო სასანიტარო ღონისძიებათა ჩატარება მუშათა დაბებში, საერთო საცხოვრებლებში და საზოგადოებრივი კვების დაწესებულებებში;

დ) რესპუბლიკების ჯანმრთელობის სახალხო კომისარიატებს,—დაინტერესებულ ორგანიზაციებთან ერთად,—შეიმუშაონ დეტალურად თვითიველი ობიექტისათვის ცალკე სანიტარული მინიმუმი და ავრეტევე პრაქტიკული ღონისძიებანი, რაც უზრუნველჰყოფს სანიტარული მინიმუმის განხორციელებას მუშათა დაბებში, საერთო საცხოვრებლებში, სასადილოებში და სხვ.

2. წინადადება მიეცეს ამიერკავკასიის რკინის გზების საგზაო-სასანიტარო განყოფილებას—განახორციელოს ამა დადგენილების 1-ლი მუხლით ვათვალისწინებული ყველა ღონისძიება.

3. დაევალოს ყველა სახელმწიფო და სამეურნეო ორგანიზაციას—შეიტანოს 1932 წლის ბუჯეტში ის ხარჯები, რაც საჭიროა სანიტარული მინიმუმის

განხორციელებისათვის მის ქვემდებარე დაწესებულებებში. ა/კსტსრ თინანსთა სახალხო კომისარიატმა უნდა მიიღოს სათვალავში სანიტარული მინიმუმის განხორციელებისათვის საჭირო ხარჯები.

4. დაევალოს ყველა სახელმწიფო და სამეურნეო ორგანიზაციას—მუშათა დაბების პროექტირების დროს მიიღოს სათვალავში მუშებისათვის კულტურულ-საყოფაცხოვრებო მომსახურების გასაწევად საჭირო ყველა მოწყობილობა, სახელდობრ: წყლის მიწოდება, უსუფთაობისა და ნაგვის მოსპობა, აბანო, სამრეცხველო, სადღეინფექციო კამერა, სასადილო, კლუბი, საფიზკულტურო მოწყობილობა, საბავშვო ბავა, საბავშვო ბაღი, ბაქანი და სხვ.

5. მეთვალყურეობა მე-4 მუხლის აღსრულებისათვის დაეკისროს ა/კსტსრ შედგენილობაში შემავალი რესპუბლიკების კომუნალური მეურნეობის სახალხო კომისარიატებს.

ა/კსტსრ სახალხო კომისართა
საბჭოს თავმჯდომარე მ. ორახელაშვილი.

ა/კსტსრ სახალხო კომისართა
საბჭოს საქმეთა მმართველი ა. შავერდოვი.

1931 წ. ოქტომბრის 7.

№ 406.

ტფილისი.

დადგენილება ა/კსტსრ სახალხო კომისართა საბჭოსი.

223. ბამბის 1931 წლის სარეალიზაციო კამპანიის პერიოდში ბამბის მთესველებისათვის ავანსების დაჭერის წესისა და რაოდენობის შესახებ.

ა/კსტსრ სახალხო კომისართა საბჭო ადგენს:

ჩაბარებული ნედლი ბამბის რაოდენობისა და მიმდინარე და გასული წლების ავანსებით ბამბის მთესველთა დავალიანების საერთო თანხისა და სამანქანო-სატრაქტორო სადგურებისადმი დავალიანების შესაბამისად—დადგენილ იქნეს ავანსების დაჭერის შემდეგი წესი და რაოდენობა:

1. ჩაბარებული ნედლი ბამბისათვის ანგარიშის გასწორების დროს, პირველი ჩაბარებიდან დაწყებული, შემსყიდველი პუნქტები დაუჭერენ ყოველგვარი ავანსისა და სამანქანო-სატრაქტორო სადგურებისადმი დავალიანების დასაფარავად ჩაბარებული ნედლი ბამბისათვის შისაცემი თანხიდან: კოლექტიურ მეურნეობას—50%-ს, ხოლო ინდივიდუალურ ღარიბ და საშუალო მეურნეობას—60%-ს.



ფულის დაქერა აღნიშნული რაოდენობით განგრძობილ უნდა იქნეს მთელი დავალიანების სავესებით დაფარვამდე.

2. უკეთუ კულაკურ და შეძლებულ მეურნეობაზე დავალიანება ირიცხება, იგი დაქერილ უნდა იქნეს მთლიანად ნედლი ბამბის პირველ ჩაბარებისთანავე; ხოლო, უკეთუ ამ დაქერილი ფულით მთელი დავალიანების თანხა დაფარული არ იქნა, ვალის ნაშთი გადახდევინებულ უნდა იქნეს დაუყოვნებლივ სასამართლო წესით, ნედლი ბამბის შემდგომი პარტიების ჩაბარების მოუცდელად.

ა/კსფსრ სახალხო კომისართა

საბჭოს თავმჯდომარე მ. ორახელაშვილი.

ა/კსფსრ სახალხო კომისართა

საბჭოს საქმეთა მმართველი ა. შავერდოვი.

1931 წ. ოქტომბრის 7.

№ 411.

ტფილისი.

გამოქვეყნებულია „ზარია ვოსტოკა“-ს 289 №-ი 1931 წ. ოქტომბრის 20-ს.

დადგენილება ა/კსფსრ სახალხო კომისართა საბჭოსი.

224. ა/კსფსრ ტერიტორიაზე მომქმედი ყველა საერთო-საკავშირო და ფედერატიული სამშენებლო ორგანიზაციის მოვალეობის შესახებ—წარუდგინოს ა/კსფსრ შედგენილობაში შემავალი სათანადო რესპუბლიკის სახელმწიფო საგეგმო კომისიას სამშენებლო კადრების მომზადების გეგმის შესადგენად საჭირო მასალები.

ა/კსფსრ სახალხო კომისართა საბჭო ადგენს:

დაევალოს ა/კსფსრ ტერიტორიაზე მომქმედი ყველა საერთო-საკავშირო და ფედერატიულ სამშენებლო ორგანიზაციას—წარუდგინოს ხოლმე უშუალოდ ა/კსფსრ შედგენილობაში შემავალი სათანადო რესპუბლიკის სახელმწიფო საგეგმო კომისიას სამშენებლო კადრების კოორდინირებული გეგმის შესადგენად საჭირო მასალები.

ა/კსფსრ სახალხო კომისართა

საბჭოს თავმჯდომარე მ. ორახელაშვილი.

ა/კსფსრ სახალხო კომისართა

საბჭოს საქმეთა მმართველი ა. შავერდოვი.

1931 წ. ოქტომბრის 7.

№ 419.

ტფილისი.

დადგენილება ა/კსფსრ სახალხო კომისართა საბჭოსი.

225. ბამბის 1931 წლის მოსავლის აღების კამპანიისათვის საჭირო დამატებითი ღონისძიებების შესახებ.

ა/კსფსრ სახალხო კომისართა საბჭო აღგენს:

1. ბამბის მოსავლის აღებისა და ბამბის დამზადების კამპანიისათვის გასაწევი ხელმძღვანელობის გასაძლიერებლად და ამ კამპანიისთან დაკავშირებული ყველა ორგანიზაციის მოქმედების შესათანხმებლად—ა/კსფსრ სახალხო კომისართა საბჭოსთან მოწყობილ იქნეს ბამბის მოსავლის აღებისა და ბამბის დამზადების ამიერკავკასიის კომისია შემდეგი შედგენილობით: ამხ. ეგიაზარიანი (თავმჯდომარე), ვეზიროვი (თავმჯდომარის მოადგილე), ტოლსტოპიატოვი, ვარძიელი, კალანდია, პეცოვი, ბუკრევი, აგრბა, ავისი, გეურქოვი და რაჰიმოვი.

2. ბამბის აღრეულად მოწვევასთან დაკავშირებით, „1931 წელს ბამბის მოკრების კამპანიის მოწყობისა და ჩატარების შესახებ“ გამოცემული ა/კსფსრ სახალხო კომისართა საბჭოს 1931 წ. აგვისტოს 13-ის დადგენილების („ზარია ვოსტოკა“-ს 221 №-ი 1931 წ. აგვისტოს 13-ისა) მე-II თავის ნაწილობრივ შესაცვლელად—ნედლი ბამბის მოკრების გეგმა ა/კსფსრ-ში 1931 წ. ნოემბრის 1-თვის განსაზღვრულ იქნეს წლიური გეგმის 60—70%-ის რაოდენობით; აქედან აზერბაიჯანის სსრ-ში 70—80%-ის რაოდენობით.

3. წინადადება მიეცეს ა/კსფსრ სახალხო კომისართა საბჭოსთან არსებულ ბამბის მოსავლის აღებისა და ბამბის დამზადების ამიერკავკასიის კომისიას—გააზუსტოს ბამბის მოკრების გეგმა რესპუბლიკანური და რაიონობითი ხაზით.

ა/კ. საკოლმეურნეო ცენტრმა და ა/კ. ტრაქტორცენტრმა უნდა გასცენ თავიანთი ხაზით დაწერილებითი დირექტივები ნედლი ბამბის მოკრებისა და ჩატარების სადეკადო გეგმების დაუყოვნებლივ გადასინჯვის შესახებ ცალკეული კოლექტიური მურწეობებისა და დასახლებულობათა ამხანაგობების ხაზით.

4. წინადადება მიეცეს ამიერკავკასიის რკინის გზების დირექციას, „სოიუზტრანს“-ს და სამდინარეო ტრანსპორტის ამიერკავკასიის სამმართველოს, ნედლი ბამბის მოკრების გეგმის შეცვლასთან დაკავშირებით, გადასინჯონ ნედლი ბამბის გადაზიდვის თავიანთი გეგმები და უზრუნველჰყონ ამ ბამბის თავის დროზე გადაზიდვა როგორც შესყიდვის პუნქტებამდე, ისე ბამბა-საწმენდ ქარხნებამდე.

5. დაველოს ა/კსფსრ მომარაგების სახალხო კომისარიატს და ამიერკავკასიის სამომხმარებლო კოოპერაციის კავშირს—სასწრაფოდ შეზიდონ საბამბე რაიონებში შესაძლებელი რაოდენობის სამრეწველო საქონელი, როგორც ადგილობრივი მრეწველობის პროდუქციისა, ისე ცენტრალიზებული მომარაგების ფონდებისა.

მიენდოს კომისიას პეცოვისა, ბუკრევისა და ტოლსტოპიატოვის შედგენილობით—ერთი დღედაღამის ვადაზე განსაზღვროს იმ სამრეწველო საქონლის საერთო რაოდენობა, რაც შეიძლება გამოყოფილ იქნეს, და გაა-

ნაწილონ იგი რაიონებზე; ამისთანავე, უზრუნველჰყოს საბჭოთა საბამზე მეურნეობების მინიმალური მოთხოვნილება სამრეწველო საქონლისადმი.

6. რადგანაც საფეიქრო მრეწველობამ დააგვიანა რავენდუკის გამოგზავნა, საჭიროდ იქნეს ცნობილი, რათა ბამბის მოსავლის აღების კამპანიის საჭიროებისათვის მხა-ტარა-ტომრები და სატომრე ქსოვილი ჩამოერთვას (თხოვების წესით) სხვა ორგანიზაციებს.

მიენდოს კომისიას ამხანაგთა პეცოვცისა, ბუკრევეცისა და ტოლს-ტოპიატოვის შედგენილობით—დასახელოს ის ორგანიზაციები, რომელთაც შეიძლება ჩამოერთვას ტარა-ტომრები, და განსაზღვროს თვითთელი ორგანიზაციისათვის ჩასაბარებელი ტარას რაოდენობა.

დაევალოს ამიერკავკასიის მეზამბეობის შენაერთს, ცენტრიდან რავენდუკის მიღებისათანავე, დაუყოვნებლივ დააბრუნოს ჩამორთმეული ტარა-ტომრები.

7. წინადადება მიეცეს ა/კსფსრ შედგენილობაში შემაველი რესპუბლიკების სახალხო კომისართა საბჭოებს—დაევალონ საბამზე რაიონების აღმასრულებელ კომიტეტებს—ფართოდ გაშალონ მუშაობა ბამბის მოსავლის აღების კამპანიის საჭიროებისათვის გლეხთა მოსახლეობის ხელთქონებული ტარა-ტომრების გამო-საყენებლად ტომრების სათანადო საამორტიზაციო სასყიდლის მიცემით ამიერ-კავკასიის მეზამბეობის შენაერთის ხარჯზე.

8. მიღებულ იქნეს ცნობად ამბ. ტოლსტოპიატოვის განცხადება, რომ ამიერკავკასიის მეზამბეობის შენაერთი და სახელმწიფო ბანკის ამიერკავკასიის კონტორა შეთანხმდნენ ბამბის მოსავლის აღების კამპანიის დაფინანსების გეგმის გადიდების საკითხზე ნედლი ბამბის ჩაბარების ახალი გეგმის დადგენასთან დაკავშირებით.

დაევალოს სახელმწიფო ბანკის ამიერკავკასიის კონტორას—უზრუნველჰყოს შემსყიდველ პუნქტებთან არსებული ანგარიშის გასწორების სალაროები საკმარისი რაოდენობის ფულის ნიშნებით.

9. მიენდოს ა/კსფსრ სახალხო კომისართა საბჭოსთან არსებულ ბამბის მოსავლის აღებისა და ბამბის დამზადების ამიერკავკასიის კომისიას გამოარკვეის პირველსავე სხდომაზე ა/კსფსრ ფარგლებში 40 ვაგონი ხეტყის მისაღის გამოძების შესაძლებლობა საბჭოთა მეურნეობებში ბამბის ფარდულების მშენებლობის საჭიროებისათვის.

ა/კსფსრ სახალხო კომისართა
საბჭოს თავმჯდომარე მ. ორახელაშვილი.

ა/კსფსრ სახალხო კომისართა
საბჭოს საქმეთა მმართველი ა. შავერდოვი.

1931 წ. ოქტომბრის 11.

№ 407.

ტფილისი.

გამოქვეყნებულია „ზარია ვოსტოკა“-ს 283 №-ში 1931 წ. ოქტომბრის 14-ს.

დადგენილება ა/კსფსრ სახალხო კომისართა საბჭოსი.

226. საკოლმეურნეო სისტემის ხილეულ-ბოსტნეულის ვაჭრობის გაშლის შესახებ.

ა/კსფსრ სახალხო კომისართა საბჭო ადგენს:

1. მიზანშეწონილად იქნეს ცნობილი, რათა ა/კსფსრ საკოლმეურნეო სისტემამ ფართოდ გაშალოს ხილეულ-ბოსტნეულის ვაჭრობა კოლექტიური მეურნეობების პროდუქციის ზედმეტი თავისუფალი საქონლის რეალიზაციის საფუძველზე.

2. დამტკიცებულ იქნეს საორიენტურო ქსელი ა/კსფსრ-ში სასეზონო ხილეულ-ბოსტნეული ფარდულებისა—500 და მუდმივი ხილეულ-ბოსტნეული კომერციული მაღაზიებისა—8, ისეთი ვარაუდით, რომ ა/წ. ოქტომბრის 15-დღე გახსნილ იქნეს 50%/-ით.

3. დაევალოს ა/კსფსრ მიწათმოქმედების სახალხო კომისარიატსა და ა/კ საკოლმეურნეო ცენტრს—დაუყოვნებლივ მისცენ სათანადო ორგანიზაციებს პრაქტიკული მინიშნებანი ქსელის გაშლისა და ვაჭრობის მოწყობის შესახებ.

4. დაწესებულ იქნეს კოლექტიური მეურნეობების ცალობით წერტებში ხილეულისა და ბოსტნეულის მტკიცე ფასები ა/კსფსრ მომარაგების სახალხო კომისარიატის კალკულაციის მიხედვით, ხოლო ისეთი პირობით, რომ კოლექტიური მეურნეობები თავიანთ მაღაზიებში ვაჭრობდნენ იმავე ფასად, რა ფასადაც ვაჭრობენ უწყებული ადგილის კოოპერაცია და სახელმწიფო ვაჭრობის ორგანიზაციები.

5. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს:

ა) იხმარონ ღონისძიება, რათა დაუყოვნებლივ გაშლილ იქნეს ხილეულ-ბოსტნეულის ვაჭრობა ხილეულ-ბოსტნეულის საკოლმეურნეო სისტემის მეშვეობით, რისთვისაც ვაჭრობის პუნქტები მოწყობილ უნდა იქნეს მუშათა რაიონებსა და ქალაქის ბაზრებში, აგრეთვე რკინის გზის სადგურებზე და ნავთსადგურებზე;

ბ) დაევალონ საქალაქო საბჭოებსა და სარაიონო აღმასრულებელ კომიტეტებს უზრუნველყოფენ 3 დღის ვადაზე ხილეულ-ბოსტნეულის საკოლმეურნეო სისტემა სადგომებით, მაღაზიებით და ფარდულებით—ცენტრალურ ადგილებში—ვაჭრობის გასაშლელად; იქ, სადაც ტენიკურად შეუძლებელი იქნება სადგომების გამოყენება ვაჭრობა სწარმოებდეს უბრალო ფარდულებში.

ა/კსფსრ სახალხო კომისართა

საბჭოს თავმჯდომარე მ. ორახელაშვილი.

ა/კსფსრ სახალხო კომისართა

საბჭოს საქმეთა მმართველი ა. შავერდოვი.

1931 წ. ოქტომბრის 12.

№ 408.

ტფილისი.

გამოქვეყნებულია „ზარია ვოსტოკა“-ს 283 №-ში 1931 წ. ოქტომბრის 14-ს.

დადგენილება ა/კსფსრ სახალხო კომისართა საბჭოსთან არსებული აღსრულების შემოღწევაზელი კომისიისა.

227. ნელი ბაბის მიღებისა და გადამუშავებისათვის შემსყიდ- ველი პუნქტების და ბაბა-საწმენდი ქარხნების განმზადების შესახებ.

მოისმინა-რა ამიერკავკასიის მებამბეობის ტრესტის მმართველის მოადგი-
ლის ამხ. თურქიას მოხსენება და ა/კსფსრ მუშათა და გლეხთა იზსპეციის წარმო-
მადგენლის თანამოხსენება—ნელი ბაბის მიღებისა და გადამუშავებისათვის
შემსყიდველი პუნქტებისა და ბაბა-საწმენდი ქარხნების განმზადებისა და პახ-
ტისარაიების მშენებლობის მდგომარეობის შესახებ, აღსრულების შემოწმებელი
კომისია აღნიშნავს, რომ შემსყიდველი პუნქტებისა და ბაბა-საწმენდი ქარხნების
განმზადებისათვის მიღებული ტემპები არ იძლევა იმის გარანტიას, რომ შემო-
სული ნელი ბაბა თავის დროზე და სრულად მიღებული, შენახული და გადა-
მუშავებული იქნება, განსაკუთრებით ბაბის პარკების მასსურ გახსნასთან და-
კავშირებით.

ა/კ. მებამბეობის შენაერთის სამშენებლო ტრესტის არაგემიანი მუშაო-
ბისა, მისი აპარატის მოუგვარებლობისა, განსაკუთრებით ადგილობრივ სამშე-
ნებლო კონტორებში, და აგრეთვე ადგილობრივი საშენი მასალის მოზიდავა-
ციისათვის საჭირო ღონისძიებათა მოუღებლობისა და ამ საქმის უუნარო მანე-
რირების გამო ა/კ. მებამბეობის შენაერთის სამშენებლო ტრესტის მუშაობა არა-
უზრუნველყოფდა და ახლაც არაუზრუნველყოფს ბაბის მიღებისა და შენახვის
ორგანიზაციის შესახებ პარტიული და საბჭოთა ორგანოების მიერ გაცემული
დირექტივების დაუცადებელ შესრულებას.

პახტა-სარაიების მშენებლობა ბრკოლდება აგრეთვე იმის გამო, რომ ცენტ-
რალურმა ორგანიზაციებმა (ა/კ. მებამბეობის შენაერთის სამომხარაგებლო
ტრესტმა) არ გასცეს საჭირო საშენი მასალა. ლიაკისა და სარდარაბადის ბაბა-
საწმენდი ქარხნები აქამდე აუშუშავებელია. სხვა ბაბა-საწმენდი ქარხნების რე-
მონტის მდგომარეობა და კაპანხიდვის ტრანსპორტის სარემონტო სახელოსნოე-
ბის ორგანიზაცია ამ ჟამად გარანტიას არ წარმოადგენს, რომ ნელი ბაბა თა-
ვის დროზე იქნება მიღებული, სათანადოდ შენახული და დაუცადებლად გადა-
მუშავებული.

ამიერკავკასიის რკინის გზების დირექცია, არაერთხელ მიცემული დირექ-
ტივების მიუხედავად, როდი უზრუნველჰოფს თავის დროზე და დაუცადებლად
ვაგონების მიცემას როგორც ნელი ბაბისა, ისე ბოჭკოს გადასაზიდად, რის
გამოც რკინის გზის სადგურებზე ბაბა მთელის ხნობით გროვდება (გორადი-
ზისა, მოლაკენდისა, ზუბოვკის და სხვა სადგურებზე).

აღინიშნოს, რომ ა/კსფსრ გზატყეცილებისა, ყამირგზებისა და საავტომო-
ბილო ტრანსპორტის სამმართველო აქამდე არ შედგომია მისავალი გზების გაყ-
ვანას და აღჯაბდესა და ნაჯაფ-ყული-ბეგლის შუა გზის აშენებას, იმისდამიუხე-
დავად, რომ საამისოდ მას ვადად მიცემული ჰქონდა სექტემბრის 25.

სახელმწიფო სამდინარეო ფლოტის სამმართველო, მთელ რიგ მინიშნებათა მიუხედავად, მაინც როდი უზრუნველყოფს აქამდე ტვირთის თავის დროზე გადაზიდვას წყალსავალი გზებით ქარხნებამდე და შემსყიდველ პუნქტებამდე.

აღნიშნოს, რომ ამიერკავკასიის მეზამბეობის შენაერთი და ა/კ. მეზამბეობის შენაერთის სამომხმარაგებლო ტრესტი, აგრეთვე რესპუბლიკანური მიწათმოქმედების სახალხო კომისარიატები, საკოლმეურნეო ცენტრები, ადგილობრივი სარაიონო პარტიული და საბჭოთა ორგანიზაციები არა ხმარობენ გადამწყვეტ ღონისძიებას რესპუბლიკანურ და სარაიონო ორგანიზაციებს შორის და ადგილობრივ მოსახლეობაში თავისუფალი ტარა-ტომრებისა, ბრუნეტებისა, საწვრებისა და სხვა მისთ. მობილიზაციისათვის ბამბის მოკრეფისა და შენახვის უზრუნველსაყოფად.

რადგანაც ბამბის მიღებისა, შენახვისა და გადამუშავების შექმნილი მდგომარეობა საფრთხეს უქადის ამ საქმეს და საჭიროებს ამიერკავკასიისა, რესპუბლიკანური და სარაიონო ორგანიზაციების მუშაობის გადაჭრით გარდაქმნას, განსაკუთრებით იმიტომ, რომ ბამბის მოკრეფის გეგმა ოქტომბერში გაიდებულა ბამბის პარკის მასსური ვახსნის გამო, აღსრულების შემოწმებელი კომისია აღდგენს:

1. დაევალოს ამიერკავკასიის მეზამბეობის შენაერთს წარუდგინოს ორი დღის ვადაზე ა/კფსრ სახალხო კომისართა საბჭოს, ბამბის მოწევის ტემპებით გამოწვეული შეცვლილი პირობების შესაბამისად, გადამუშავებული გეგმა ბამბის ტრანსპორტირებისა, მიღებისა და შენახვისა.

2. წინადადება მიეცეს ა/კ. მეზამბეობის შენაერთის სამშენებლო ტრესტს— იხმაროს გადამწყვეტი ღონისძიება პახტა-სარაიების დაქარებით მშენებლობისათვის ისეთი ვარაუდით, რომ იგი საერთოდ დამთავრებულ იქნეს არა უგვიანეს ოქტომბრის 20-სა; ამასთანავე, პირველ რიგში მშენებლობა დამთავრებულ უნდა იქნეს ძირითად საბამზე რაიონებში.

ამავე დროს წინადადება მიეცეს ამიერკავკასიის მეზამბეობის შენაერთს ფართოდ გამოიყენოს ნედლეული ბამბის ფარდულებში ხვეულად შენახვის ხერხი და სხვა ორგანიზაციების სასაწყობო საცავები ბამბის დროებით შესანახად.

3. წინადადება მიეცეს ამიერკავკასიის მეზამბეობის შენაერთს და აგრეთვე ა/კფსრ შედგენილობაში შემავალი რესპუბლსკების სახალხო კომისართა საბჭოებს— განახორციელონ სათანადო ღონისძიებანი პახტა-სარაიების ასაშენებლად შინაგანი, საშენი მასალების და მუშა-ხელის მობილიზაციისათვის; იხმარონ ყოველი ღონისძიება— დაუყოვნებლივ შემსყიდველ პუნქტებში მოანგარიშე- მომუშავეთა საჭირო რიცხვის მისავლინებლად; მოახდინონ ერთი დეკადის ვადაზე რესპუბლიკანურ ორგანიზაციებსა, კოლექტიურ მეურნეობებსა და ინდივიდუალურ გლეხ-მეურნეთა შორის ბარდანებისა, ტარა-ტომრებისა, ბრუნეტებისა, სასწვრებისა და სხვა მისთ. მობილიზაცია; ამასთან ერთად მოახდინონ რესპუბლიკანურ დაწესებულებებსა და ორგანიზაციებში არა ნაკლებ 100 კომპლექტი სასწვრის მობილიზაცია ამიერკავკასიის მეზამბეობის შენაერთის გამგებლობაში გადასაცემად.

4. წინადადება მიეცეს ამიერკავკასიის მეტამბეობის შენაერთს და ა/კ. მეტამბეობის ტრესტს დააჩქარონ ცენტრიდან მოცემული სატომო ქსოვილის მიღება, რისთვისაც თვალყური ადევნონ ამ ქსოვილის რკინის გზით მოძრაობას; უზრუნველყონ ბარდანების ოთხჯერადი ბრუნვა ყველა ბამბის ქარხანაში, აგრეთვე ბარდანების დაკრება და ბამბის ქარხნების დაუსადებელი ოთხცკლადი მუშაობა; იხმარონ ღონისძიება ლიაკის და სარდარაბადის ქარხნების დაუყოვნებელი ამუშავებისათვის და განჯის ქარხნის სრული დატვირთვით მუშაობისათვის.

5. წინადადება მიეცეს ა/კ. მეტამბეობის ტრესტს, ამხ. ოვანესიანის პირადი პასუხისმგებლობით, დამთავროს ოქტომბრის 15-თვის ბამბის ქარხნებთან და შემსყიდველ პუნქტებთან სახელოსნოების მოწყობა კაპანზიდვის ტრანსპორტის რემონტისათვის.

ა/კსტსრ მომარაგების სახალხო კომისარიატმა, ამხ. პეცოვის პირადი პასუხისმგებლობით, დაუყოვნებლივ უზრუნველყოს ამ სახელოსნოებისათვის საჭირო რაოდენობის მასალის გამოყოფა.

6. დაევალოს ა/კ. რკინის გზების დირექციას—უზრუნველყოს თავის დროზე ვაგონების მიცემა როგორც ნედლი ბამბის შემსყიდველ პუნქტებამდე და ქარხნებამდე მიზიდვისა, ისე ბოჭკოს გადაზიდვისათვის; დაუყოვნებლივ მოაგვაროს მთელი რიგი საღვურების დაგროვილი ტვირთისაგან განტვირთვა; ერთი დღე-ღალამის განმავლობაში გამოჰყოს სპეციალურად პასუხისმგებელი პირნი ბამბის გადასაზიდად საჭირო მოძრავი შედგენილობის დაუსადებლად მიჩენისათვის.

7. დაევალოს ამიერკავკასიის სამდინარეო ფლოტის სამმართველოს, ამხ. გაბისკირიას პირადი პასუხისმგებლობით, უზრუნველყოს მდინ. მტკვარზე საჭირო რაოდენობის ტონნაჟი ბამბისა და ბამბის დამზადების კამპანიისთან დაკავშირებული სხვადასხვა ტვირთის დაუსადებლად და თავის დროზე გადაზიდვისათვის; განსაკუთრებული ყურადღება უნდა მიექცეს ნაჯაფ-ყული-ბეგლი—ველახის ქარხნის უბანს.

ხუთი დღის ვადაზე შემოწმებულ იქნეს მდინ. მტკვარზე ტვირთის მიღებისა და შენახვის ადგილებში ნავთსაყუდებისა და მისადგომების რემონტის უზრუნველყოფა და შენების მსვლელობა.

8. დაევალოს ა/კ. სამომხმარებლო კოოპერაციის კავშირს და ა/კ. საზოგადოებრივი კვების ტრესტს—შეამოწმონ 5 დღის ვადაზე, მიღწეულია თუ არა ფაქტიურად რაიონებში ბამბის ქარხნებამდე და შემსყიდველ პუნქტებამდე სამრეწველო და სასურსათო საქონელი და მიმარაგებულ არიან თუ არა ბამბის ქარხნებისა და შემსყიდველი პუნქტების მომუშავენი საზოგადოებრივი კვების უახლოეს წერტილებზე.

9. დაევალოს რესპუბლიკანურ და სარაიონო მუშათა და გლეხთა ინსპექციებს—გაუწიონ ყოველგვარი დახმარება რესპუბლიკებსა და რაიონებში ბამბის მოსავლის აღების კამპანიისათვის ტარა-ტომრებისა, სასწვრებისა და ბრუნტეების მობილიზაციის საქმეს და სასტიკ პასუხისგებაში აძლიონ ის პირნი, რომელნიც არ შეასრულებენ აღნიშნული ინვენტარის მობილიზაციის შესახებ არსებულ დადგენილებებს.

10. ბაზმის მოსავლის აღების კამპანიის ჩატარებისათვის საყოველღეო მეთვალყურეობისა და ხელომძღვანელობის გაწვევის მიზნით ეთხოვოს ა/კსფსრ სახალხო კომისართა საბჭოს მოაწყოს თავისთან ბაზმის მოსავლის აღების კომისია.

აღსრულების შემმოწმებელი კომისიის
თავმჯდომარე მ. ორახელაშვილი.

აღსრულების შემმოწმებელი კომისიის
მდივნის მოვალ. აღმს. გ. კახრაძე.

1931 წ. ოქტომბრის 9.

№ 28.

ტფილისი.

გამოქვეყნებულია „ზარია ვოსტოკა“-ს 282 №-ში 1931 წ. ოქტომბრის 13-ს.

დადგენილება ა/კსფსრ სახალხო კომისართა საბჭოსთან არსებული აღსრულების შემმოწმებელი კომისიისა.

228. საპნის-ხარშვის 1931 წ. პროგრამისა და საპნის-ხარშვის მრეწველობის ნედლეულით უზრუნველყოფის ღონისძიებათა თაობაზე გამოცემული სსრკ-ის შრომისა და თავდაცვის საბჭოს 1931 წ. მაისის 17-ის დადგენილების აღსრულების შესახებ.

მოსმინა-რა ა/კსფსრ მომარაგების სახალხო კომისრის მოადგილის ამხ. პეეცოვის მოხსენება—საპნის-ხარშვის 1931 წ. პროგრამისა და საპნის-ხარშვის მრეწველობის ნედლეულით უზრუნველყოფის შესახებ, ა/კსფსრ სახალხო კომისართა საბჭოსთან არსებული აღსრულების შემმოწმებელი კომისია ადგენს:

1. აღინიშნოს, რომ ა/კსფსრ მომარაგების სახალხო კომისარიატის საპნის-ხარშვის მრეწველობამ, „ზაკრასმასლოტრესტი“-ს სახით, 1931 წ. რვა თვეში (იანვარი-აგვისტო), კაუსტიური და კალციინირებული სოდის არანორმალურად მიღების გამო, გამოუშვა მზა პროდუქტია სულ 4.474 ტონნა, რაც შეადგენს წლიური გეგმის (9.000 ტონნა) 49,7-⁰/₁₀₀ს.

2. საუტილო ცხივების დამზადებაში ა/კსფსრ მიწათმოქმედების სახალხო კომისარიატმა, „ზაკუტილიმ“-ა და სარეწაო კავშირმა არ შეასრულეს სსრკ-ის შრომისა და თავდაცვის საბჭოს 1931 წ. მაისის 17-ის თარიღისა და 199 №-ის დადგენილება და აქამდე არ ამუშავეს არც ერთი საუტილო დანადგარი.

3. საპნის-ხარშვის მიმდინარე წლის გაფართოებული პროგრამის—1.060 ტონნა—შესასრულებლად საჭიროა:

ა) ეთხოვოს სსრკ-ის სახალხო მეურნეობის უმაღლეს საბჭოს—მოახდინოს განკარგულება „ესეხიმპრომ“-ის მიმართ, რათა „ზაკრასმასლოტრესტ“-ის საპნის ქარხნებისათვის დასწრაფოდ გამოგზავნილ იქნეს კაუსტიური და კალცინირებული სოდა, რაც მათ ერგებათ ა/წ. მე-IV კვარტალის განწყვებით—კაუსტიური სოდა 259 ტონნას რაოდენობით და კალცინირებული სოდა 179 ტონნას რაოდენობით;

ბ) ეთხოვოს სსრკ-ის სახალხო მეურნეობის უმაღლეს საბჭოს—მოახდინოს გავლენა ქარხნების „ტრანსმისია“-ს და „ბორეც“-ის მმართველობაზე—მოსკოვში და აგრეთვე „სარატმეტალტრესტ“-ზე—სარატოვში, რათა მათ აუცილებლად შეასრულონ მიმდინარე წლის მე-IV კვარტალში „ზაკრასმასლოტრესტ“-ის შეკვეთები მომქმედი საპნის ქარხნების გაფართოებისათვის საჭირო გაწყობილობის დამზადების შესახებ; ამასთანავე, ქარხანა „ტრანსმისია“-ს დაემატოს კიდევ ერთი სამაცივრო მწნები როსტას სისტემისა 70 კამერიანი;

გ) წინადადება მიეცეს ა/კსფსრ მიწათმოქმედების სახალხო კომისარიატს, „ზაკუტილი“-ს და სარეწაო კავშირს—სარეწაო კოოპერაციის ხაზით—იხმარონ ერთი თვის განმავლობაში ენერგიული ღონისძიებანი, რათა დაუყოვნებლივ ამუშავებულ იქნეს განზრახული უტილ-დანადგამები—ა/კსფსრ საპნის-ხარშვის მრეწველობის უტილ-ცხიმებით მოსამარაგებლად;

დ) წინადადება მიეცეს ა/კსფსრ სახალხო მეურნეობის უმაღლეს საბჭოს უზრუნველჰყოს 1931 წ. მეოთხე კვარტალში ზემოაღნიშნული ორგანიზაციების უტილ-დანადგამები საჭირო სათბობი მასალით;

ე) წინადადება მიეცეს „ზაკრასმასლოტრესტ“-ს განავითაროს მე-IV კვარტალში მაქსიმალური ენერჯია საპნის-ხარშვის გაფართოებული პროგრამის—5.200 ტონნას რაოდენობით—შესასრულებლად, „სოიუზტრანსმასლო“-ს დირექტივის თანახმად;

ვ) წინადადება მიეცეს ა/კსფსრ სახალხო მეურნეობის უმაღლესი საბჭოს კადრების ვამგეობას—გადაგზავნოს უკანვე „ზაკრასმასლოტრესტ“-ის ქარხნებში სამუშაოდ მრეწველობის ამ დარგის ყველა ყოფილი მომუშავე.

4. ა/კსფსრ მუშათა და გლეხთა ინსპექციამ, ერთი თვის გასვლისას, უნდა შეამოწმოს ა/კსფსრ მიწათმოქმედების სახალხო კომისარიატისა, „ზაკუტილი“-სა და სარეწაო კავშირის მიერ შესრულებული მუშაობა უტილ-დანადგამების განმზადებისა და ამუშავებისათვის.

აღსრულების შემმოწმებელი კომისიის
თავმჯდომარე მ. ორაზელაშვილი.

აღსრულების შემმოწმებელი კომისიის
მდივნის მოვალ. აღმსრ. გ. კასრაძე.

1931 წ. ოქტომბრის 9.

№ 29.

ტფილისი.

დადგენილება ა/კსფსრ-სახალხო კომისართა საბჭოსთან არსებული აღსრულების შეფერხებული კომისიისა.

229 სავეტერინარო საქმისა და ეპიზოოტიებთან ბრძოლის მდგომარეობის შესახებ.

მოისმინა-რა ა/კსფსრ მიწათმოქმედების სახალხო კომისრის ამხ. ვეზიროვის მოხსენება „სავეტერინარო საქმისა და ეპიზოოტიებთან ბრძოლის მდგომარეობის შესახებ“ გამოცემული ა/კსფსრ სახალხო კომისართა საბჭოს 1931 წ. ივლისის 11-ს დადგენილების აღსრულების თაობაზე, ა/კსფსრ სახალხო კომისართა სბჭოსთან არსებული აღსრულების შემოწმებელი კომისია აღნიშნავს, რომ ამიერკავკასიისა, რესპუბლიკანური და სარაიონო ორგანიზაციები, და პირველ რიგში საადგილმამულო ორგანოები, ჯერ კიდევ არ აქცევენ სერიოზულ ყურადღებას სავეტერინარო საქმეს და სასოფლო-სამეურნეო ცხოველების დაცვას სხვადასხვა დაავადებისა და ეპიზოოტიისაგან,


ა/კ. რკინის გზების დირექციამ, „სკოტოვოდ“-ისა, „ოგცევოდ“-ისა და „სვინოვოდ“-ის ამიერკავკასიის კონტორებმა და სხვ. საცვებით არაუზრუნველჰყვეს ა/კსფსრ სახალხო კომისართა საბჭოს მიერ „სავეტერინარო საქმის შესახებ“ გამოცემულს დადგენილების აღსრულება.

ა/კსფსრ მიწათმოქმედების სახალხო კომისარიატის სავეტერინარო სექტორის ხელმძღვანელმა ამხ. ბარამიძემ არასაკმარისად უზრუნველჰყო მეთვალყურეობისა და კონტროლის გაწევა სათანადო ორგანიზაციების მიერ „სავეტერინარო საქმის შესახებ“ გამოცემული ა/კსფსრ სახალხო კომისართა საბჭოს დადგენილების შესრულებისათვის, რასაც შედეგად მოჰყვა ამ დადგენილების არამთლად შესრულება „სოიუზმიას“-ს ამიერკავკასიის კონტორისა, „ვეტა“-ს, რესპუბლიკანური მიწათმოქმედების სახალხო კომისარიატებისა, საკოლმეურნეო-საკოოპერაციო სისტემისა და სხვა ორგანიზაციების მხრით.

ა/კსფსრ სახალხო კომისართა საბჭოსთან არსებული აღსრულების შემოწმებელი კომისია, აღნიშნავს-რა, რომ „სავეტერინარო საქმისა და ეპიზოოტიებთან ბრძოლის მდგომარეობის შესახებ“ გამოცემული ა/კსფსრ სახალხო კომისართა საბჭოს დადგენილება სრულიად არაადაკმაყოფილებლად არის შესრულებული, აღგენს:

1. დაევალოს ა/კსფსრ მიწათმოქმედების სახალხო კომისარს ამხ. ვეზიროვს, მიწათმოქმედების სახალხო კომისრებს: აზერბაიჯანის სსრ-ისა—ამხ. ყასიმოვს, საქართველოს სსრ-ისა—ამხ. მთიკაშვილს და სომხეთის სსრ-ს—ამხ. გულიოიანს—უზრუნველჰყონ საცვებით სავეტერინარო საქმეზე გამოცემული ა/კსფსრ სახალხო კომისართა საბჭოს დადგენილების აღსრულება და აცნობონ ეს აღსრულება ა/კსფსრ სახალხო კომისართა საბჭოსთან არსებულ აღსრულების შემოწმებელ კომისიას ა/წ. დეკემბრის 1-ს.

2. წინადადება მიეცეს ამხ. ვეზიროვს—გამოარკვიოს ორი დეკადის ვადაზე ამიერკავკასიის სათანადო ორგანიზაციების აპარატში ყველა ის, ვინც დამნაშა-



ვენ სავეტერინარო საქმეზე გამოცემული ა/კსფსრ სახალხო კომისართა საბჭოს დადგენილების დროზე აღსრულებლობაში და მისცეს ისინი პასუხისგებაში.

3. მოიხსნას მუშაობიდან „სკოტოვოდ“ის ვეტერინარი-ექიმი ამხ. ვართანიანი და გამოეცხადოს საყვედური „სკოტოვოდ“ის ამიერკავკასიის კონტორის ყოფილ მმართველს ამხ. რუდაკოვს—„სკოტოვოდ“-ის საბჭოთა მეურნეობაში სავეტერინარო საქმის გასაუმჯობესებლად თავის დროზე გადამწყვეტ ღონისძიებათა მიუღებლობისათვის.

4. დაევალოს ა/კ. რკინის გზების დირექციას—მოახსენოს არა უგვიანეს ა/წ. დეკემბრის 1-სა ა/კსფსრ სახალხო კომისართა საბჭოსთან არსებულ აღსრულების შემოწმებელ კომისიის ა/კ. რკინის გზების ხაზით ყველა მიღებული ღონისძიება, რაც გათვალისწინებულია ა/კსფსრ სახალხო კომისართა საბჭოს 1931 წ. ივლისის 11 დადგენილებით.

5. დაევალოს აზერბაიჯანის სსრ-ისა, სომხეთის სსრ-ისა და საქართველოს სსრ-ის სახალხო კომისართა საბჭოებთან არსებულ აღსრულების შემოწმებელ კომისიებს მოისმინონ ერთი თვის ვადაზე რესპუბლიკანური ორგანოზაციების მოხსენებები სავეტერინარო საქმეზე გამოცემული ა/კსფსრ სახალხო კომისართა საბჭოს დადგენილების აღსრულების შესახებ.

6. წინადადება მიეცეს ა/კსფსრ მიწათმოქმედების სახალხო კომისარიატს და ა/კსფსრ შედგენილობაში შემაველი რესპუბლიკების სახალხო კომისართა საბჭოებს—გააფორმონ ერთი დეკადის ვადაზე რესპუბლიკების მიწათმოქმედების სახალხო კომისარიატებთან სავეტერინარო სექტორის მოწყობა.

აღსრულების შემოწმებელი კომისიის

თავმჯდომარე მ. ორახელაშვილი.

აღსრულების შემოწმებელი კომისიის

მდივნის მოვალ. აღმსრ. გ. კასრაძე.

1931 წ. ოქტომბრის 9.

№ 30.

ტფილისი.

გამოქვეყნებულია „ზარია ვოსტოკა“-ს 299 №-ში 1931 წ. ოქტომბრის 30-ს.